

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-49-22328/18
Sarajevo, 31.12.2018. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), te člana 14. stav 2. tačka 1. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke – Nabavka teretnog motornog vozila sa hidrauličnom korpom do 25 m, u otvorenom postupku, objavljenom u Službenom glasniku BiH, br. 79/18 i Portalu javne nabavke, broj obavještenja 422-1-1-265-3-140/18 od 05.11.2018. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda Grupe ponuđača Palfinger BH d.o.o. Sarajevo i A.C.I. d.o.o. Sarajevo, sa najnižom cijenom tehnički prihvatljive ponude u iznosu od 191.529,00 KM sa PDV-om, u predmetu javne nabavke – Nabavka teretnog motornog vozila sa hidrauličnom korpom do 25 m, u otvorenom postupku, objavljenom u Službenom glasniku BiH, br. 79/18 i Portalu javne nabavke, broj obavještenja 422-1-1-265-3-140/18 od 05.11.2018. godine.

2. Zadužuje se Služba za zajedničke poslove da obavjesti učesnike u otvorenom postupku o donošenju Odluke o rezultatima okončanog postupka javne nabavke i izboru najpovoljnijeg ponuđača i da zaključi ugovor po konačnosti iste.

3. Protiv ove Odluke dozvoljena je žalba u roku od 10 dana od dana prijema iste.

Obrazloženje

Postupak javne nabavke - Nabavka teretnog motornog vozila sa hidrauličnom korpom do 25 m, pokrenut je Odlukom o pokretanju postupka javne nabavke u skladu sa članom 18. stav 1. Zakona o javnim nabavkama ("Službeni glasnik", br. 39/14), putem otvorenog postupka, objavljenog u Službenom glasniku BiH, br. 79/18 i Portalu javne nabavke, broj obavještenja 422-1-1-265-3-140/18 od 05.11.2018. godine.

Uvidom u dostavljeni Izvještaj o radu komisije i preporuku za dodjelu ugovora, utvrđeno je:

- da je Zapisnikom sa otvaranja ponuda od 04.12.2018. godine konstatovano da su zaprimljene dvije ponude, i to:

1. WINTEC d.o.o. Sarajevo sa ponudom u iznosu od 163.510,42 KM sa PDV-om.

2. Grupa ponuđača Palfinger BH d.o.o. Sarajevo i A.C.I. d.o.o. Sarajevo, sa ponudom u iznosu od 191.529,00 KM sa PDV-om,

- da je Komisija pristupila evaluaciji i detaljnoj analizi pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, te utvrdila:

- da ponuda Grupe ponuđača Palfinger BH d.o.o. Sarajevo i A.C.I. d.o.o. Sarajevo ispunjava uslove specificirane tenderskom dokumentacijom

- da ponuda ponuđača WINTEC d.o.o. Sarajevo ne ispunjava uslove specificirane tenderskom dokumentacijom:

- iz tačke 4.2.1. pod 8. Lista izvršenih ugovora koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima robe kao dokaz da je dobavljač uspješno izvršio najmanje jedan ugovor koji za predmet ugovora ima robe koje su u vezi sa predmetom nabavke vrijednosti najmanje 190.000,00 KM sa PDV-om kao i najmanje jednu potvrdu za ugovor koji za predmet ugovora ima robe koje su u vezi sa predmetom nabavke, vrijednosti najmanje 190.000,00 KM sa PDV-om koji je izdala ugovorna strana-naručilac robe - dostavljena referenc lista ne sadrži ugovore koji za predmet imaju robe u skladu sa zahtjevima iz tenderske dokumentacije- **nabavka novog teretnog vozila sa hidrauličnom korpom (ista sadrži Ugovore koji imaju za predmet isporuku uglavnom, rabljenih mašina i vozila)**

- kao i potvrda o uspješnoj realizaciji Ugovora koji za predmet ima robe koje su u vezi sa predmetom nabavke, vrijednosti najmanje 190.000,00 KM sa PDV-om - **dostavljena potvrda od Mostar Airport, broj:01-228/2018 od 10.05.2018 o urednom izvršenju Ugovora o isporuci rabljenog vozila za odleđivanje zrakopova** za potrebe Međunarodne zračne luke- aerodrom Mostar, koja nije u skladu sa tenderskom dokumentacijom.

-iz tačke 4.2.1. pod 9. - Tehnička dokumentacija robe koja je predmet nabavke koja sadrži sve informacije na osnovu kojih je moguće provjeriti saglasnost sa tehničkim zahtjevima i traženim standardima i parametrima iz specifikacije - **dostavljena tehnička dokumentacija ne sadrži sve informacije na osnovu kojih je moguće provjeriti saglasnost sa tehničkim zahtjevima iz Anex 3 tenderske dokumentacije tačka 1.0. Teretno vozilo sa hidrauličnom korpom do 25 m kako slijedi:**

- alineja 38. bočni dohvat minimalno 10 m sa težimom tereta do 80 kg, odnosno minimalno 7 m sa teretom 250 kg,
- alineja 47. brojač radnih sati,
- alineja 49. vrsta i dimenzije radne korpe: aluminijska dimenzije min 1,40 mx0,85 m x1,10 m,
- alineja 51- dva ulaza u korpu,
- alineja 52. radno područje teleskopa:-25°+80°,
- alineja 53. zaokret korpe: -90° +90°,
- alineja 55. Glavna upravljačka komanda: upravljanje iz korpe ima prioritet,
- alineja 56. priključak za vodu/zrak sproveden do korpe, 1
- alineja 58. limitator opterećenja-obavezno,
- alineja 59. paljenje i gašenje motora iz korpe-obavezno,
- alineja 60. uške za sigurnosni pojas u korpi minimalno za dvije osobe,
- alineja 63. taster „stop u nuždi“,

- iz tačke 4.2.1. pod 10. Dokumentacija izdata i ovjerena od strane proizvođača ili generalnog zastupnika ili zastupnika kojom ponuđač dokazuje da je servis obezbjeđen u Bosni i Hercegovini te u skladu sa s tim opremljen i kadrovski osposobljen za servisiranje ponuđenih vozila - dostavljena je Autorizacija za Wintec d.o.o. Sarajevo izdata od strane proizvođača Bumer Makina od 20.11.2018.godine kojom se WINTEC d.o.o. Sarajevo ovlašćuje za servisiranje ponuđenog vozila u BiH , kao i da posjeduje opremu i osoblje za servisiranje istog, suprotno tački 4.2.1 pod 5. tenderske dokumentacije, obzirom da navedeni ponuđač po Aktuelnom izvodu iz sudskog registra od 01.10.2018. godine nije registrovan za vršenje servisnih usluga za održavanje uvezene opreme u vanjskotrgovinskom prometu.

U daljem postupku Komisija je izvršila računsku kontrolu ponude, Grupe ponuđača Palfinger BH d.o.o. Sarajevo i A.C.I. d.o.o. Sarajevo koja ispunjava uslove specificirane u tenderskoj dokumentaciji te konstatovala da je ista računski ispravna.

Obzirom da se radi o otvorenom postupku javne nabavke, objavljenom u Službenom glasniku BiH, br. 27/18 i Portalu javne nabavke, broj obavještenja 422-1-1-265-3-140/18 od 05.11.2018. godine, da su pristigle dvije blagovremene ponude od kojih jedna ispunjava uslove specificirane tenderskom dokumentacijom, primjenom kriterija «najniža cijena tehnički zadovoljavajuće ponude» shodno članu 64. stav 1. tačka b) Zakona o javnim nabavkama, na preporuku Komisije za javne nabavke roba i usluga, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 10 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

Općinski načelnik
Emir Efendić
mr Semir Efendić

